



Publicaziuns dalla vischnaunca, jamna 12

Damondas da baghegiar

2021-1018.000

Datum dalla publicaziun: 26 da mars

Il patrun: Thomas e Barbara Bieger, Via Acletta 20, 7180 Disentis/Mustér
Il representant: Scrinaria Flepp SA, Via Pignola 6, 7180 Disentis/Mustér
Object: Postar ina casa da curtin, parcella 1287, Via Acletta 20, 7180 Disentis/Mustér

2021-1019.000

Datum dalla publicaziun: 26 da mars

Il patrun: Fundaziun Pervenda Sogn Gions, Via Sogn Gions 8, 7180 Disentis/Mustér
Il representant: Studio UH Architects ETH SIA, Via Sursilvana 18, 7180 Disentis/Mustér
Object: Sanaziun energetica dalla Casa Pervenda Sogn Gions, parcella 760, Via Sogn Gions 8, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 26 da mars 2021
Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2021-1000.001

Sarah e Remo Huonder, Via Clavaniev 1, 7180 Disentis/Mustér; construcziun d'ina casa d'ina famiglia, parcella 3976, Via Clavaniev 1A, 7180 Disentis/Mustér.

Nr. 2021-1003.000

Annemarie Decurtins Chiotopulos, Via Sontga Gada 1, 7180 Disentis/Mustér; renovaziun parziala (intern), engrondaziun dalla finiastra dil bogn e remplazzament da finiastras, parcella 654, Via Sontga Gada 1, 7180 Disentis/Mustér.

Nr. 2021-1005.000

Maria Anna Spreiter-Manetsch, Stellegweg 93, 7000 Chur; niev mir da sustegn, nova seiv e sanaziun dil curtin, parcella 2187, Via Crestas 8, 7183 Mumpé Medel.

Nr. 2021-1006.000

Proprietad en condomini Casa Sera, Werner Wittmann, Via Acletta 12, 7180 Disentis/Mustér; sanaziun dil tetg-casa incl. isolar e construcziun d'ina lucarna, parcella 1289, Via Acletta 12, 7180 Disentis/Mustér.

Disentis/Mustér, ils 26 da mars 2021
Uffeci da baghegiar Disentis/Mustér



Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 all'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2021-2010.000

Andi Jacomet, Via Sut Vitg 8, 7186 Segnas; construcziun d'ina scala da betun, parcella 56, Via Sut Vitg 8, 7186 Segnas.

Nr. 2021-2011.000

Plev evangelica reformada Cadi, Hans Möckli, Via Davos-Mustér 4, 7180 Disentis/Mustér; sanaziun dalla tschaffada d'aua, parcella 3025, Via Raveras 25, 7180 Disentis/Mustér.

Nr. 2021-2012.000

Gion Hosang, Via Pintga 2, 7180 Disentis/Mustér; ulivaziun dil terren, parcella 2216, Via Carcarola 11, 7180 Disentis/Mustér.

Disentis/Mustér, ils 26 da mars 2021

Uffeci da baghegiar Disentis/Mustér

Informaziuns dalla suprastonza communal

Gasetta d'informaziun officiala

In buna comunicaziun transparenta ei impurtonta. Perquei ha la suprastonza communal decidiu da crear in mied d'informaziun che cumpara periodicamein. Quels dis vegn l'emprema ediziun repartida en tuttas casadas. Quater gadas ad onn (mintga quartal) duei quella gasetta officiala informar aviartamein nossas convischinas e nos convischins davart quei che succeda ella politica locala. Buca mo comunicaziuns officialas, mobein era interessantas reportaschas davos las culissas duein informar davart quei che cuora e passa. Quella gasetta enquera aunc siu num official. Per quei intent vegn lantschau in'occurrentza. Dapli surlunder ei d'anflar el magazin. La gasetta sa era vegnir retratga ella sala da spetga dalla casa communal. Nus gavischein bia plascher, ina bun'informaziun e magari forsa schizun in smarvegl. Buna lectura.

Telefonia mobila 5G

Ils 18 da fevrer 2021 ha la societad Sunrise Communications AG inoltrau all'istanza da baghegiar la damonda da baghegiar per ina midada d'antenna pigl indrez da telefonia mobila Sunrise GR584-1 vid il mast da tensiun aulta a Salaplauna (stabiliment existent da telecomunicaziun). Ei settracta cheu d'in stabiliment dalla generaziun nova 5G. Il project ei vegnius publica ed exponius ils 26 da fevrer 2021. Encunter la damonda da baghegiar ei vegniu inoltrau entginas protestas ch'ei vegnidas sustenidas da numerusas vischinas e da numerus vischins. L'istanza da baghegiar cun la suprastonza communal prenda serius quellas protestas e vegnan a perseguir quella fatschenta cun la duida atenziun. Dapli informaziuns suondan.

«Hotel Acla da Fontauna» / Center Fontauna

Ils 28 da fevrer 2020 ha la vischnaunca concediu la lubientscha da baghegiar pil project per spazzar il baghetg sin parcella 1346, construcziun d'in hotel niev, tschun casas da habitar e treis garaschas sutterranas («Acla da Fontauna»). Encunter la lubientscha da baghegiar ha Helvetia Nostra inoltrau in recuors alla Dertgira administrativa dil cantun Grischun. La suprastonza communal spetga el decuors dils proxims meins la decisiun dil tribunal administrativ. Ils investurs ein aunc adina intenziunai fermamein da realisar il project sco staus lubius. En quei connex ha il Center da sport e cultura (Center Fontauna), pil qual igl ei vegniu concediu il settember vargau in credit da 8,69 milliuns francs, gia naven dall'entschatta enneu giugau in'impurtonta rolla pils investurs dalla surbaghegiada «Acla da Fontauna». Pils investurs che vulan realisar ina purschida da 394 letgs da hotel, 61 habitaziuns administradas turisticamein e 30 habitaziuns senza restricziuns, munta il Center Fontauna in'attracziun supplementara cun ina purschida multifara. Medemamein sa in eventual niev «Hotel Acla da Fontauna» el futur era augmentar l'attractivitat dil Center Fontauna cun caschun d'arranschaments da different gener. Cun la projectaziun dall'execuziun dil project Center Fontauna vegn entschiet la stad 2021. La suprastonza communal informescha aschispert sco ei dat novas en caussa.



Administraziun communal

Sur Pastgas

Naven da **gievgia, igl 1. d'avrel 2021**, allas 17.00 entochen **mardis, ils 6 d'avrel 2021**, allas 9.00 resta l'administraziun communal serrada.

Bien engraziament per Vossa capientscha.
Administraziun communal

Lenna da brisch

Damondas per lenna da brisch (**pégn ni fau**) ein da far **en scret entochen ils 9 d'avrel 2021** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.

Lenna sin il tschep vegn mo vendida, sche las premissas pertuccont scolaziun minimala da luvriers d'uaul ein garantidas. La cumpra da lenna sin il tschep sto vegnir reglada en in contract da cumpra.

Uffeci forestal Disentis/Mustér

Partenza per ina reit da sanadad integrada ella Surselva

«Reit da sanadad Surselva»

La SanaSurselva lantschescha in project visiunari per scaffir in provediment da sanadad integrad en Surselva. **Schei a nus Vies** meini e separticipai alla retscherca online (**entochen ils 10 d'avrel 2021**). Tuttas informaziuns anfleis Vus silla pagina d'internet www.sanasurselva.ch. Il team da project selegra da Vossa participaziun!

Prolungaziun dalla zona da planisaziun

Ils 4 da mars 2019 ha la suprastanza communal da Disentis/Mustér decidu a basa digl art. 21 dalla lescha davart la planisaziun dil territori da relaschar pigl entir territori dalla vischnaunca ina zona da planisaziun cun suandonta intenziun:

1. Examinar ina reducziun dallas zonas da baghegiar (zonas da habitar, zonas mischedadas e zonas da center) ordeifer ed agl ur dil territori surbaghegiu per gronda part tenor las prescripziuns egl art. 15 al. 1 e 2 dalla lescha federala da planisaziun dil territori (LPT) e tenor las prescripziuns dil niev plan directiv cantunal «habitadi» (PDC-H) ch'ei vegnius concludius dalla regenza ils 20 da mars 2018.

2. Realisar las ulteriuras pretensiuns tenor igl art. 15 LPT sco era tenor il PDC-H cantunal, en special quei che concerna la promoziun d'in svilup da habitadis d'aulta valur da construcziun egl intern e da renovar ils habitadis (PDC-H, cefra 5.1.2, instrucziuns d'agir).

Ella zona da planisaziun astga vegnir fatg nuot che savess engrevegiar la nova planisaziun ni che savess cunterfar a quella. Damondas da baghegiar astgan mo vegnir lubidas, sch'ellas cunterfan ni allas prescripziuns cun vigur legala ni allas novas planisaziuns e prescripziuns previdas, circumscrit per exempel el maletg directiv communal dil territori (cumpareglia art. 21 al. 2 LPTGR). Lubientschas da baghegiar vegnan remessas duront che la zona da planisaziun ei en vigur specialmein, sche la damonda da baghegiar.

- nezegia surfatschas che sesanflan ordeifer il territori surbaghegiu per gronda part (specialmein surfatschas destinadas potenzialmein per ina dezonaziun tenor la retscherca cantunala en connex cul plan directiv),
- pertucca territoris da concentraziun e renovaziun, ni
- consumescha buca silmeins 80 procent dall'utilisaziun pusseviva sin la parcella da baghegiar.



La suprastonza communal fa la resalva ch'ella sa concretisar la zona da planisaziun da tut temps tenor il stan da planisaziun vertent, respectivamein ch'ella sa adattar la zona da planisaziun al stan da planisaziun mintgamai actual.

La zona da planisaziun scada ils 29 da mars 2021. Tenor conclus dils 22 da fevrer 2021 ha la suprastonza communal sin fundament digl art. 21 al. 3 LPTGR decidiu da prolungir la zona da planisaziun cun sura cuntegn per dus onns entochen ils 29 da mars 2023. Cun disposiziun dils 3 da mars 2021 ha il Departament d'economia publica e fatgs socials dil Grischun lubiu la prolungaziun dalla zona da planisaziun.

Encunter questa prolungaziun dalla zona da planisaziun sa vegnir recurriu enteifer 30 dis dapi la publicaziun officiala cun ina protesta da planisaziun alla Regenza dil cantun Grischun (art. 101 LPTGR).

Disentis/Mustér, ils 26 da mars 2021
Suprastonza communal Disentis/Mustér

Controlla da habitonts

Naschientscha

Leina Huonder, naschida ils 13 da mars 2021, feglia dad Ursina ed Ursin Huonder.

Rimnada da pupi

Venderdis, ils 16-4-2021!

Preziadas convischinas, prezias convischins. La rimnada da pupi d'avrel ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!
Nossa Scola populara Mustér, Ch. Berger

Seniora-Ca

Allas senioras ed als seniors da Mustér

Il coronavirus ei aunc adina cheu – ina tiarza gada – bugen ni nuidis – nus stuein viver cun quel. Lein sperar che la vaccinaziun porti ina buna part levgera e laschi sperar sin novas sentupadas. Il medem vegn ei buca pli ad esser – mo auter –, e quei savein nus per part formar sez. Tochen lu: seigies seschurmegiai!

Pastgas – Primavera – Primula – Pign Present Da Seniora-Ca

Cu? Gievgia, igl **1. d'avrel 2021** naven dallas 9.45–11.00 avon halla Cons. Negina sgnocca d'avrel! Vegnir sez ni schar purtar, sche essas buca bein a pei ni veis negin transport! Secapescha cun mascrina (schurmetg da Corona)!

Co? Annunzia: vegnel mezza/mez per tut ni adressa da furniziun. (Tel. Puntreis 081 929 56 56 tochen **gliendisdis, ils 29 da mars 2021** allas 16.00)

Post d'informaziun Seniora-Ca
